


漢書門類
 一五八六
 一〇九
 六二册架函號類

內閣文庫
 漢書類
 一五八六
 六二册架
 二七四函

內閣文庫	
番號	漢 11586
冊數	62 (21)
函號	274 82





禮樂合編卷之十

錫山日齋黃

廣無蛙父纂述


未齋華琪芳芳侯父叅閱

會盟之禮本紀一

邾儀父盟于蔑胡傳曰春秋大義公天下以講信修睦為事刑牲歆血要質鬼神非所貴也書此以惡隱公之私

公之私隱公元年

公及戎盟于唐胡傳曰春秋謹華夷之辨與戎歆血約盟非義也後世乃結戎許婚配偶非其類如西漢



禮樂合編

卷之十

玉磬齋

之於匈奴。約戎求援。華夏被其毒。如肅宗之於回紇。信戎與盟。臣主蒙其耻。如德宗之於尚結贊。雖悔奚及。隱公二年

齊侯鄭伯盟于石門。胡傳曰。諸侯會盟。來告則書。蓋有志於天下為公之世乎。凡書盟者。惡之也。隱公三年

宋公齊侯衛侯盟于瓦屋。程子曰。大道隱而家天下。然後有誥誓。忠信薄而人心疑。然後有詛盟。詛盟煩而約劑亂。然後有交質子。此參盟之始。夫有參盟。然後有主盟。春秋革薄從忠。於參盟書日。謹其始也。隱公

八年

公會齊侯盟於扈。程子曰。盟於扈。要結姻好也。莊公生於桓公六年。至是三十有六載矣。以世嫡之正。諸侯之貴。尚無內主。同任社稷之事。何也。蓋為文姜所制。使必娶于母家。而齊女待年未及。故莊公越禮不顧。如此其急。婚姻失時。不孝甚矣。莊公二十三年公會齊侯宋公陳侯鄭伯同盟于幽。胡傳曰。同盟之例。有惡其反覆。而書同盟。有諸侯同欲。而書同盟。前此鄭伯嘗貳於齊矣。至是齊桓強盛。有伯中國攘夷。

禮樂八編 卷之十一 二

狄之勢諸侯皆歸之鄭伯於是有畏服之心其得與于盟所欲也故特書同莊公二十七年

齊高子來盟胡傳曰魯曠年無君齊桓公使將南陽之甲至魯而謀其國其命高子必曰魯可取則兼其

國以廣地魯可存則平其亂以善隣非有安危繼絕

之定計也高子至則平魯難定僖公聖人特稱高子

以著其善其不曰齊侯使之者權在高子也閔公二年

齊侯宋公江人黃人盟于貫胡傳曰盟于貫服江黃

也江黃東方之與國也二國來定盟則楚人失右臂

桓公此盟服荆楚免民於左衽矣諸侯皆在獨言遠

國者許是盟也僖公二年

楚屈完來盟于師盟于召陵左傳曰夏楚子使屈完

如師師退次于召陵齊侯陳諸侯之師與屈完乘而

觀之齊侯曰以此眾戰誰能禦之以此攻城何城不

克對曰君若以德綏諸侯誰敢不服君若以力楚國

方城以爲城漢水以爲池雖眾無所用之屈完及諸

侯盟胡傳曰楚大夫未有以名氏通者其曰屈完進

之也其不稱使權在完也來盟于師嘉服義也盟于

召陵序桓績也。於此見齊師雖強。桓公能以律用之。而不暴楚人。已服桓公。能以禮下之。而不驕庶幾乎王者之事矣。春秋之盟於斯為盛。僖公二年

諸侯盟于首止。胡傳曰。王將以愛易世子。桓公有憂之。控大國扶小國。會于首止。以定其位。太子踐阼。是為襄王一舉。而君臣父子之道皆得焉。故曰首止之盟。美之大者也。僖公五年

公會齊侯宋公陳世子欵鄭世子華盟于甯母。左傳曰。秋盟于甯母。謀鄭故也。管仲言於齊侯曰。臣聞之。

招携以禮。懷遠以德。德禮不易。無人不懷。齊侯修禮於諸侯。諸侯官受方物。鄭伯使太子華聽命於會。言於齊侯曰。洩氏孔氏子人氏三族。實違君命。若君去之。以為成。我以鄭為內臣。君亦無所不利焉。齊侯將許之。管仲曰。君以禮與信屬諸侯。而以姦終之。無乃不可乎。子父不奸之謂禮。守命共時之謂信。違此二者。姦莫大焉。公曰。諸侯有討於鄭。未捷。今苟有釁。從之不亦可乎。對曰。君若綏之以德。加之以訓辭。而帥諸侯以討鄭。鄭將覆亡之。不暇。豈敢不懼。若縱其罪。

人以臨之。鄭有辭矣。何懼。且夫合諸侯以崇德也。會而列姦。何以示後嗣。夫諸侯之會。其德刑禮義無國不記。記姦之位。君盟替矣。作而不記。非盛德也。君其勿許。鄭必受盟。夫子華既為太子。而求介于大國。以弱其國。亦必不免。鄭有叔詹堵叔師叔三良為政。未可間也。齊侯辭焉。子華由是得罪于鄭。冬。鄭伯請盟於齊。僖公七年宋人齊人楚人盟于鹿上。公子目夷曰。小國爭盟。禍也。宋其亡乎。幸而後敗。僖公二十一年

公會晉侯齊侯宋公蔡侯鄭伯衛子莒子盟于踐土。左傳曰。晉侯盟于衛雍。獻楚俘于王。王賜之大輅之服。戎輅之服。彤弓一。彤矢百。旅弓矢千。秬鬯一。卣。虎賁三百人。晉侯三辭從命。胡傳曰。天王勞晉侯於踐土。則削而不書。去其實。以全名。所謂君道也。父道也。晉侯以臣召君。則書天王狩于河陽。正其名。以統實。所謂臣道也。子道也。而天下之大倫尚存而不滅矣。僖公二十八年晉人復衛侯。甯武子與衛人盟。宛濮曰。天禍衛國。君

臣不協以及此憂。今天誘其衷，使皆降心以相從也。不有居者，誰守社稷？不有行者，誰扞牧圉？不協之故，用昭乞盟于爾大神，以誘天衷。自今既盟之後，行者無保其力，居者無懼其罪，有渝此盟以相及也。明神先君是糾，是殛國人聞此盟也。而後不貳。僖公二十八年會王人、晉人、宋人、齊人、陳人、蔡人、秦人盟于翟泉。胡傳曰：翟泉近在洛陽王城之內。子虎與列國盟，是謂上替。諸侯大夫入天子之境，雖貴曰士。于此上盟，子虎是謂下陵。僖公二十九年

公孫敖如莒蒞盟。左傳曰：穆伯為襄仲逆女于莒，美自娶之。仲請攻之，公將許之。叔仲惠伯諫曰：臣聞之，兵作於內，為亂於外，為寇。寇猶及人，亂自及也。今臣作亂而君不禁，以啓寇讎，若之何？公止之，使仲舍之，復為兄弟如初。從之。文公七年宋司馬華孫來盟。左傳曰：書宋司馬華孫，貴之也。公與之宴，辭曰：君之先臣督得罪於宋，殤公名在諸侯之策，臣承其祀，其敢辱君？請承命于亞旅。魯人以為斂。文公十五年

諸侯會于扈。左傳曰：鄭子家以書告趙宣子曰：鹿死不擇音。小國之事大國也。德則其人也不德則其鹿也。鋌而走險，急何能擇？命之罔極，亦知亡矣。將悉敝賦以待於儵，惟執事命之。晉鞏朔行成于鄭，趙穿公壻池質焉。文公十七年

會盟之禮本紀二

齊侯使國佐如師，盟于袁婁。胡傳曰：諸侯大夫含憤積怒，欲雪一笑之耻，非有鋤強扶弱之心。國佐如師，將以賂免。晉大夫以蕭同叔子為質，夫蕭同叔子齊君母也，則亦悖矣。由是國子不可。成公二年晉鄭將盟，士莊子為載書曰：自今日既盟之後，鄭國而不惟晉命是聽，或有異志者，有如此盟。公子駢趨進曰：天禍鄭國，使介居二大國之間，大國不加德音，而亂以要之，使其鬼神不獲歆其禋祀，其民人不獲。

享其土利。夫婦辛苦。墊隘無所底告。自今日既盟之後。鄭國而不惟有禮與疆。可以庇民者是從。而敢有異志者。亦如之。荀偃曰。改載書。公孫舍之曰。昭大神要言焉。若可改也。大國亦可叛也。知武子謂獻子曰。我實不德。而要人以盟。豈禮也哉。非禮。何以主盟。姑盟而還。襄公九年

諸侯同盟于毫城北。范宣子曰。不慎必失諸侯。諸侯道敝而無成。能無貳乎。乃盟載書曰。凡我同盟。毋蘊年。毋壅利。毋保姦。毋留慝。救災患。恤禍亂。同好惡。獎

王室。或間茲命。司慎司盟。名山名川。羣神羣祀。先王先公。七姓十二國之祖。明神殛之。俾失其民。隊命亡氏。踣其國家。襄公十一年

晉文公合諸侯盟曰。吾聞國君之昏。不由聲色。必由姦利。好樂聲色者。滯也。貪姦者。惑也。滯惑之國。不亡必殘。自今無以美妾。疑妻。無以聲樂妨正。無以姦情害公。無以貨利示下。其有之者。是謂伐其根。素流于華葉。若此者。有患無憂。有寇勿弭。不如言者。盟示之。君子聞之曰。文公其知道乎。其不王者。猶無佐也。襄公

二十六年

叔孫豹及諸侯會于宋。晉楚爭先。晉人曰：晉固為諸侯盟主，未有先晉者也。楚人曰：子言晉楚匹也。若晉常先是楚弱也。且晉楚狎主諸侯之盟也久矣，豈專在晉？叔向謂趙孟曰：諸侯歸晉之德，只非歸其尸盟也。子務德，無爭先。且諸侯盟，小國固必有尸盟者。楚為晉細，不亦可乎？乃先楚人。襄公二十七年

仲孫獲會邾子盟于祲祥。左傳曰：孟僖子會邾莊公盟于祲祥，修好禮也。泉丘人有女，夢以其帷，幕孟氏

之廟，遂奔僖子。其僚從之。盟于清丘之社。曰：有子，

相棄也。僖子使助，遠氏之筮，反自祲祥，宿于遠氏。生

懿子及南宮敬叔。昭公十一年

諸侯同盟于平丘。左傳曰：晉人將尋盟，齊人不可。晉

叔向告于齊曰：諸侯求盟，已在此矣。今君弗利，寡君

以為請。對曰：諸侯討貳，則有尋盟。若皆用命，何盟之

尋？叔向曰：國家之敗，有事而無業，事則不經。有業而

無禮，經則不序。有禮而無威，序則不共。有威而不昭，

共則不明。不明棄共，百事不終。是故明王之制，使諸

禮記卷之十一
九
侯歲聘以志業。間朝以講禮。再朝而會以示威。再會而盟以顯昭明。志業於好講禮。于等示威於衆。昭明於神存亡之道。恒由是與晉禮主盟。奉承齊犧而布諸君求終事也。君曰余必廢之。何齊之有。惟君圖之。寡君聞命矣。齊人懼。甲戌同盟于平丘。齊服也。昭公十三年

公及諸侯盟于臯鼬。左傳曰敬子言于衛公曰會同難。噴有煩言。莫之治也。其使祝佗從。公乃使佗。佗曰祝社稷之常隸也。社稷不動。祝不出竟。官之制也。君

以軍行。祓社。釁鼓。祝奉以從。於是乎出竟。若嘉好之事。君行師從。卿行旅從。臣無事焉。公曰行也。及臯鼬。將長蔡於衛。佗私於萇弘曰。若聞蔡將先衛。信乎。曰信。蔡叔。康叔之兄也。先衛不亦可乎。佗曰。以先王觀之。則尚德也。不然。文武成康之伯猶多。而不獲分物。惟不尚年也。成王殺管叔。而蔡蔡叔。其子蔡仲改行帥德。周公見之王。而命以蔡。若之何。使蔡先衛也。武王之母弟八人。周公爲太宰。康叔爲司寇。聃季爲司空。五叔無官。豈尚年哉。萇弘謀之。范獻子乃長衛侯。

定公四年

吳晉爭盟。吳申叔儀乞糧於有山氏曰。佩玉纒兮。余無所繫之。旨酒一盛兮。余與禍之父睨之。對曰。梁則無矣。麤則有之。若登首山。以呼曰。庚癸乎。則諾。哀公十三年

齊閭丘來盟。子服景伯戒宰人曰。陷而入于恭。閔馬父笑。景伯問之。對曰。笑吾子之太滿也。昔正考父校商之名頌十二篇於周太師。以那為首。其輯之亂曰。自古在昔。先民有作。溫恭朝夕。執事有恪。先聖王之

傳恭。猶不敢專。稱曰。自古古曰在昔。昔曰先民。今吾子之戒吏人曰。陷而入於恭。其滿之甚也。周恭王能庇昭穆之闕而為恭。楚恭王能知其過而為恭。今吾子之教官僚曰。陷而後恭。道將何為。哀公十四年宋之盟。楚人固請先軟。叔向謂趙文子曰。夫霸王之勢。在德不在先軟。子若能以忠信贊君。而裨諸侯之闕。軟雖後。諸侯將戴之。何爭於先。若違德而以賄成事。今雖先軟。諸侯將棄之。何欲於先。昔成王盟諸侯於岐陽。楚為荆蠻。置茅蕝。設望表。與鮮牟守燎。故不

與盟。今將與狎主諸侯之盟。惟有德也。子務德無爭。先務德所以服楚也。乃先楚人。哀公十四年吳王夫差告諸大夫曰。孤將有大志於齊。吾將許越成。而無拂吾慮。若越既成。吾又何求。若其不成。吾振旅焉。申胥諫曰。不可許也。夫越非實中心好吳也。又非攝畏吾甲兵之強也。大夫種勇而善謀。既還。翫吾國於股掌之上。夫固知君王之蓋威以好勝也。故婉約其辭以從逸王志。使淫樂于諸夏之國。以自傷也。使吾甲兵鈍弊。民人離落。而日以憔悴。然後安受吾

燼。夫越王好信以愛民。四方歸之。年穀時熟。日長炎。炎及吾。猶可以戰也。為虺弗摧。為蛇若何。吳王曰。大夫奚隆於越。越曾足為大虞乎。若無越。則吾何以春。秋。曜吾軍士。乃許之。成。將盟。越王使諸稽郢辭曰。以盟為有益乎。前盟口血未乾。足以結信矣。以盟為無益乎。君王舍甲兵之威。以臨使之。胡重於鬼神而自輕也。吳王乃許之。荒成不盟。楚子圍鄭。鄭伯肉袒牽羊以逆。楚王曰。其君能下人。必能信用其民矣。退三十里。而許鄭人平。潘尫入盟。

子良出質。

楚師圍宋。宋人懼。使華元夜入楚師。登子反之牀。起之曰。寡君使元以病告。曰。弊邑易子而食。析骸而爨。雖然。城下之盟。有以國斃。不能從也。去我三十里。惟命是聽。子反懼。與之盟。而告王。退三十里。

小邾射以句繹來奔。曰。使子路要我。吾無盟矣。使子路。子路辭。季康子使使謂之曰。千乘之國。不信其盟。而信子之言。子何辱焉。已上哀公十五年

燕饗之禮本紀一

呦呦鹿鳴。食野之苹。我有嘉賓。鼓瑟吹笙。吹笙鼓簧。承筐是將。人之好我。示我周行。呦呦鹿鳴。食野之蒿。我有嘉賓。德音孔昭。視民不怵。君子是則是倣。我有旨酒。嘉賓式燕。以敖。呦呦鹿鳴。食野之芩。我有嘉賓。鼓瑟鼓琴。和樂且湛。我有旨酒。以燕樂嘉賓之心。小雅鹿鳴
南山有臺。北山有萊。樂只君子。邦家之基。樂只君子。萬壽無期。南山有枸。北山有棟。樂只君子。遐不作黃。

考樂只君子。保艾爾後。

小雅南山

蓼彼蕭斯。零露漙漙。既見君子。我心寫兮。燕笑語兮。

是以有譽處兮。蓼彼蕭斯。零露瀼瀼。既見君子。為

龍為光。其德不爽。壽考不忘。蓼彼蕭斯。零露濃濃。

既見君子。儻革冲冲。和鸞雝雝。萬福攸同。小雅蓼蕭

湛湛露斯。匪陽不晞。厭厭夜飲。不醉無歸。湛湛露

斯。在彼豐草。厭厭夜飲。在宗載考。湛湛露斯。在彼

杞棘。顯允君子。莫不令德。其桐其椅。其實離離。豈

第君子莫不令儀。小雅湛露

彤弓昭兮。受言橐之。我有嘉賓。中心好之。鍾鼓既設。

一朝疇之。小雅彤弓

菁菁者莪。在彼中陵。既見君子。錫我百朋。小雅菁菁

有頍者弁。實維在首。爾酒既旨。爾殽既阜。豈伊異人。

兄弟甥舅。如彼雨雪。先集維霰。死喪無日。無幾相見。

樂酒今夕。君子維宴。小雅頍弁

鴛鴦于飛。畢之羅之。君子萬年。福祿宜之。乘馬在

廐。摧之秣之。君子萬年。福祿艾之。小雅鴛鴦

間關車之牽兮。思變季女逝兮。匪飢匪渴。德音來括。

雖無好友。式燕且喜。依彼平林。有集維鵠。辰彼碩
 女。令德來教。式燕且譽。好爾無射。雖無旨酒。式飲
 庶幾。雖無嘉殽。式食庶幾。雖無德與。女式歌且舞。
 陟彼高岡。析其柞薪。析其柞薪。其葉湑兮。鮮我覲爾。
 我心寫兮。高山仰止。景行行止。四牡騤騤。六轡如
 琴。覲爾新昏。以慰我心。小雅 車牽
 魚在在藻。有頌其首。王在在鎬。豈樂飲酒。小雅 魚藻
 敦彼行葦。牛羊勿踐履。方苞方體。維葉泥泥。戚戚兄
 弟。莫遠具爾。或肆之筵。或授之几。曾孫維主。酒醴

維醕酌以大斗。以祈黃耇。黃耇台背。以引以翼。壽考
 維祺。以介景福。小雅 行葦
 篤公劉。于京斯依。踰踰濟濟。俾筵俾几。既登乃依。乃
 造其曹。執豕于牢。酌之用匏。食之飲之。君之宗之。大雅 公劉
 魚麗于罟。鱔。君子有酒。旨且多。魚麗于罟。魴。鱧。
 君子有酒。多且旨。魚麗于罟。鰓。鯉。君子有酒。旨且
 有。物其多矣。維其嘉矣。物其旨矣。維其偕矣。
 物其有矣。維其時矣。小雅 魚麗

禮樂合編

卷之十

十四

有兔斯首。炮之燔之。君子有酒。酌言獻之。

小雅 韜葉

韓侯出祖。出宿于屠。顯父餞之。清酒百壺。其殽維何。

魚鱉鮮魚。其蔌維何。維筍及蒲。其贈維何。乘馬路車。

籩豆有且。侯氏燕胥。

大雅 韓奕

諸侯燕禮之義。君立阼階之東南。南鄉。爾卿大夫皆

少進。定位也。君席阼階之上。居主位也。君獨升立席

上。西面特立。莫敢適之義也。

設賓主飲酒之禮也。使宰夫為獻主。臣莫敢與君亢

禮也。不以公卿為賓。而以大夫為賓。為疑也。明嫌之

義也。賓入中庭。君降一等而揖之。禮之也。

君舉旅于賓。及君所賜爵。皆降再拜稽首。升成拜。明

臣禮也。君答拜之。禮無不答。明君上之禮也。

席。小卿次。上卿大夫次。小卿士庶子以次。就位于下。

獻君。君舉。旅行酬而後獻卿。卿舉。旅行酬而後獻大

夫。大夫舉。旅行酬而後獻士。士舉。旅行酬而後獻庶

子。俎豆牲體薦羞。皆有差等。所以明貴賤也。

已上 燕義

王燕則諸侯毛。

大宗伯以飲食之禮。親宗族兄弟。以饗燕之禮。親四

方之賓客。

大行人以九儀辨諸侯之命。等諸侯之爵。以同邦國之禮。而待其賓客。上公之禮。饗禮九獻。食禮九舉。諸侯之禮。饗禮七獻。食禮七舉。諸伯如諸侯之禮。子男饗禮五獻。食禮五舉。

掌客掌四方賓客之牢禮。餼。獻。飲食之等數。與其政治。王合諸侯而饗禮。則具十有二牢。庶具百物。備諸侯。長十有再獻。已上周禮敬則用祭器。

臣待君宴。過三爵。非禮也。

燕毛序齒。則異姓為賓。

奠酬而工升歌。發德也。

不脫履而卽席。謂之禮。跣而上坐。謂之燕。能飲者飲。不能飲者已。謂之醜。閉門不出者。謂之涵。已上大戴禮

燕饗之禮本紀二

齊侯使管夷吾平戎於王。王以上卿之禮饗管仲。管仲辭曰：臣賤有司也。有天子之二守國高在，若節春秋來承王命，何以禮焉？陪臣敢辭。王曰：舅氏，余嘉乃勲，應乃懿德，謂督不亡，往踐乃職，無逆朕命。管仲受下卿之禮而還。君子曰：管氏之世祀也，宜哉！讓不亡其上。詩曰：愷悌君子，神所勞矣。僖公二十二年

周公閱來聘，饗有昌歠，白黑形鹽。辭曰：國君文足昭也，武可畏也，則有備物之饗，以象其德。薦五味，羞嘉

禮樂合編 卷之十一

穀鹽虎形以獻其功吾何以堪之僖公三十年

衛甯子來聘公與之宴為賦湛露及彤弓不辭又不

答賦使行人私焉對曰臣以為肄業及之也昔諸侯

朝正于王王宴樂之於是乎賦湛露則天子當陽諸

侯用命也諸侯敵王所愾而獻其功王於是乎賜之

彤弓一彤矢百茲弓矢千以覺報宴今陪臣來繼舊

好君辱貺之其敢干大禮以自取戾文公四年

獻子來聘拜城杞也公享之展莊叔執幣射者三耦公臣

公臣不足取於家臣家臣展瑕展玉父為一耦公臣

公巫召伯仲顏莊叔為一耦鄆鼓父黨叔為一耦襄公

二十九年

韓宣子來聘公享之季武子賦繇之卒章韓子賦角

弓季武子賦節之卒章有嘉樹焉宣子譽之武子曰

宿敢不封殖此樹以無忘角弓遂賦甘棠宣子日起

不堪也無以及召公先子昭公二年

華定來聘享之為賦蓼蕭弗知又不答賦昭子曰必


亡宴語之不懷寵光之不宣令德之不知同福之不

受將何以在昭公十二年

禮樂合編 卷之十一

王子頹享五大夫。樂及徧舞。鄭伯聞之。見虢叔曰。寡人聞之。哀樂失時。殃咎必至。今王子頹歌舞不倦。樂禍也。夫司寇行戮。君為之不舉。而况敢樂禍乎。奸王之位禍孰大焉。臨禍忘憂。憂必及之。盍納王乎。虢公曰。寡人之願也。昭公十三年重耳及楚。楚子饗之。曰。公子若反晉國。則何以報不穀。對曰。子女玉帛。則君有之。羽毛齒革。則君地生焉。其波及晉國者。君之餘也。其何以報君。曰。雖然。何以報我。對曰。若以君之靈。得反晉國。晉楚治兵。遇於中

原。其避君三舍。若不獲命。其左執鞭弭。右屬櫜鞬。以與君周旋。子玉請殺之。楚子曰。晉公子廣而儉。文而有禮。其從者肅而寬。忠而能力。晉侯無親。內外惡之。吾聞姬姓。唐叔之後。其後衰者也。其將由晉公子乎。天將與之。誰能廢之。違天必有咎。乃送諸秦。僖公二十三年范宣子告將用師于鄭。公享之。宣子賦。標有梅。季武子曰。誰敢哉。今譬於草木。寡君在君。君之臭味也。歡以承命。何時之有。武子賦。角弓。賓將出。武子賦。彤弓。



宣子曰城濮之役我先君文公獻功於衡雍受彤弓於襄王以爲子孫藏也先君守官之嗣也敢不承命君子以爲知禮襄公八年穆公如晉報知武子之聘也晉侯享之金奏肆夏之三不拜工歌文王之三又不拜歌鹿鳴之三三拜韓獻子使行人子員問之曰子以君命辱於敝邑先君之禮藉之以樂以辱吾子吾子舍其大而重拜其細敢問何禮也對曰三夏天子所以享元侯也使臣不敢與聞文王兩君相見之樂也臣不敢及鹿鳴君所

以嘉寡君也敢不拜嘉四牡君所以勞使臣也敢不重拜皇皇者華君教使臣曰必諮於周臣聞之訪問於善爲諮諮親爲詢咨禮爲度咨事爲諏咨難爲謀臣獲五善敢不重拜襄公四年晉郤至如楚聘楚子享之爲地室而縣焉金奏作於下驚而走出子反曰寡君湏矣吾子其入也賓曰君不忘先君之好貺之以大禮重之以備樂如天之福兩君相見何以代此下臣不敢子反曰兩君相見無亦惟是一矢以相加遺焉用樂賓曰世之治也諸侯

間於天子之事則相朝也。於是燕饗之禮。享以訓。恭儉。宴以示慈惠。恭儉以行禮。慈惠以布政。政以禮。成民。是以息百官。承事朝而不夕。此公侯所以扞城。其民也。亂則反之。今吾子之言。亂之道也。然吾子主也。至敢不從。遂入卒事。歸語范文子。文子曰。無禮必

食言。

成公十二年

宋公享晉侯於楚丘。請以桑林。荀瑩辭。荀偃士旬曰。諸侯宋魯於是觀禮。魯有禘樂。賓祭用之。宋以桑林享君。不亦可乎。樂師題以旌。夏晉侯懼而退入於房。

去旌卒享而還。

襄公十年

季武子如晉拜師。晉侯享之。范宣子為政。賦黍苗。季

武子興。再拜稽首曰。小國之仰大國也。如百穀之仰

膏雨焉。若常膏之。其天下輯睦。豈惟敝邑。賦六月。襄公

十九年

鄭伯享趙孟於垂隴。子展伯有子西子產子大叔二

子石從。趙孟曰。七子從君以寵武也。請皆賦以卒君

貺。武亦以觀七子之志。子展賦草虫。趙孟曰。善哉。民

之主也。抑武也不足以當之。伯有賦鶉之賁賁。趙孟

曰。牀。第。之。言。不。踰。闕。况。在。野。乎。非。使。人。之。所。得。聞。也。
 子。西。賦。黍。苗。之。四。章。趙。孟。曰。寡。君。在。武。何。能。焉。子。產。
 賦。隰。桑。趙。孟。曰。武。請。受。其。卒。章。子。大。叔。賦。野。有。蔓。草。
 趙。孟。曰。吾。子。之。惠。也。印。段。賦。蟋。蟀。趙。孟。曰。善。哉。保。家。
 之。主。也。吾。有。望。矣。公。孫。段。賦。桑。扈。趙。孟。曰。匪。交。匪。敖。
 禍。將。焉。往。若。保。是。言。也。欲。辭。福。祿。得。乎。卒。享。文。子。告。
 叔。向。曰。伯。有。將。為。戮。矣。詩。以。言。志。志。誣。其。上。而。公。怨。
 之。以。為。賓。榮。其。能。久。乎。叔。向。曰。然。已。侈。所。謂。不。及。五。
 稔。者。夫。子。之。謂。矣。襄公二十七年

季孫宿如晉。晉侯享之。有加籩。武子曰。小國之事大。
 國也。苟免於討。不敢求貺。得貺不過三獻。今豆有加。
 下臣弗堪。無乃戾也。韓宣子曰。寡君以為驩也。對曰。
 寡君猶未敢。况下臣君之隸也。敢聞加貺。因請徹加。
 而後卒事。晉人以為知禮。昭公六年
 晉侯與齊侯宴。中行穆子相投壺。晉侯先。穆子曰。有。
 酒如淮。有肉如坻。寡君中此。為諸侯師中之。齊侯舉。
 矢曰。有酒如澠。有肉如陵。寡人中此。與君代興。亦中。
 之。伯瑕謂穆子曰。子失辭。吾固師諸侯矣。壺何為焉。

其以中雋也。齊君弱，吾君歸，弗來矣。穆子曰：吾軍帥
 疆禦卒乘，競勸今猶古也。齊將何事？公孫使趨進曰：
 日旰君勤，可以出矣。以齊侯出。
昭公十二年

燕饗之禮統紀

歷代燕饗志

晉侯使隨會聘于周，定王饗之。殺烝，原公相禮。隨會
 私于原公曰：吾聞王室之禮無毀折，今此何禮也？原
 公以告王，召隨會曰：子弗聞乎？禘郊之事則有全烝，
 王公立飫則有房烝，親戚宴饗則有殺烝。今叔父使
 士季實來，修舊德以獎王室，惟是先王之宴禮。欲以
 貽女，余一人敢設飫禘焉。且惟戎翟則有體薦，夫戎
 翟冒沒輕儻，貪而不讓，不俟馨香嘉味，故坐諸門外，
 而使舌人體委與之。今我王室一二兄弟，以時相見，

將。酥。協。典。禮。無。亦。擇。其。柔。嘉。選。其。馨。香。絜。其。酒。醴。品。其。百。籩。修。其。篚。簋。奉。其。犧。象。出。其。尊。彝。陳。其。鼎。俎。靜。其。巾。纂。敬。其。祓。除。體。解。節。折。而。共。飲。食。之。於。是。乎。有。折。俎。加。豆。胡。有。孑。然。其。效。戎。翟。也。將。焉。用。全。烝。武。子。遂。不。敢。對。而。退。歸。乃。講。聚。三。代。之。典。禮。于。是。修。執。秩。以。為。晉。法。周語

桓公與管仲飲酒掘新井而柴焉十日齋戒召仲至公執爵夫人執尊觴三行管仲趨出周書漢高祖長樂宮成諸侯羣臣朝賀禮畢置法酒諸侍

坐殿上以尊卑次起上壽觴九行謁者言罷酒御史執法舉不如儀者

高祖擊黥布還過沛留置酒悉召故父老飲道舊故為笑樂上留帳飲三日召沛中兒百二十人上擊筑歌大風

鄭鮮之為人通率在宋高祖坐言無所隱時人甚憚焉上嘗於內殿宴飲朝貴畢集惟不召鮮之坐定謂羣臣曰鄭鮮之必當自來俄而外云尚書即鄭鮮之詣門求啓事高祖大笑引入

唐制常以春秋之季仲月及誕聖節郊祀藉田禮畢。巡幸還京。凡國有大慶。皆大宴羣臣於集英殿。次宴紫宸殿。小宴垂拱殿。有司預于殿庭。設山樓排場。爲羣僊隊仗。六番進貢九龍五鳳之狀。宰相率百官入宣徽閣門。通唱致辭謝。宰相升殿進酒。各就坐。酒九行。每上舉酒。羣臣侍。或傳旨命醕。卽皆搢笏起飲。再拜。或上壽。更衣賜花有差。其兩府使相赴鎮還朝。咸賜宴。

宋太宗召宰相近臣賞花後苑。曰春風暄和。萬物暢

茂。四方無事。朕以天下之樂爲樂。宜令侍從詞臣賦詩。因賞花釣魚習射水心殿。

宋太宗時。直史館陳靖言古之宴饗者。所以省禍福而觀威儀也。故宴以禮成。賓以賢序。風雅之作。茲爲盛焉。伏見內殿賜宴羣臣。拜舞方畢。趨馳就席。品列之序。糾紛無別。及至尊舉爵。羣臣起立。先後不整。俯仰失節。望令有司預依品位告諭。其有踰越班次。拜起失節。喧譁者。並令糾舉。

御史中丞李昌齡言廣宴之設。以均飫賜。供事禁庭。

圖書印

當定負數籍姓名以謹其出入酒監之司或虧精潔

望分命中使巡察從之

學士梁灝請以春秋大宴小宴賞花行幸為四圖頒

下閣門遵守從之已上二
十一史

